



www.BibleForChildren.org



SAN JUAN 14



Mi lom jex cham ja hua c'ujolexi. Huan ni xa c'uanex ja Diosi, cho c'uanonic ja quen chomajquili. Ja ba snaj ja jTati jel ja lugar ja ba oj bob ajyaniqui. Ta mi c'a meranuc, ¿jas yatel lom oj cala huabyex?



Pero ja iti, jayuj oj xa huaj chap ahuilex jun alugarexi.
Oj ni huaj chap alugarexi, ti oj cho jacon otro vuelta ba
oj jac quiex ba oj ajuycotic jun xta mismo lugar ja bayon
ja queni.



Ja queni Juanon nia, mero ahuermanoonex. Jaxa
jastal huanex lec huocol ja huenlex quermano
jumasa, jach ni ja quen chomajquili. Pero

siquiera, jpetzaniltic ti xa
aytic jaba sc'ab ja Diosi,



jayuj ja' ni snihuanil
jc'ujoltic ja jahua.




Ja queni, como huanon ni yaljel ja yabal ja Diosi
– huanon ni staajel ti' ja Cajualtic Jesusi, jayuj ti
lutjiyon preso ja il ba Patmos, iday, ja

lugari, joybanubal puro ja'.




Jun ta repente, lajan soc mi xa jcuerpo quen ja quioji yuj ni ti jac jmoc ja Espíritu Santo. Ti jq'uela ja satq'uinali, jaxa tihui, ti quila jun tzamal silla ba jel nihuan y ay xa ma' culan ec' huan mandar ja tihui, pero ja' ni ja Diosi.



Jaxa spetzanil ja jas c'ulubal yuj ja Diosi, ja' ni ja jas tey
ba satq'uinali soc ja ba luumi, soc ja ba lugar jau bay
ja matic ch'ac chamuquei, soc
spetzanil ja jas ay ja ba yoj mari, ti
cho yalahue ja jastal iti: —Ja ma' ti
culan ec' ja ba nihuan sillai, soc
jach ni ja cheji, la xa caatic yi lec
stz'acatal ba
spetzanil ja
tiempo.




La xa naatic que jel nihuac ja
yatelei. Jel huax lijpiye porque
jel tzatz ja yipei. Jach ch'ac
yale ja yenle chomajquili.




Ti cho quila coel coel huan ja chonab jau mi
cualquieraqui, ja' ni ja yajch'achil Jerusaleni. Ti mero
huan elel con ja ba sti sat ja Dios tey ba satq'uinali. Jel
tzamal tojbel juntiro ja chonabi, lajan soc jastal jun ixuc
oj xa yii ja statami. Tzatzjel lec.



Ti cab ay ma' c'umani con tzatz lec ja ba satq'uinali. Ja c'umali ti mero el jan ja ba mojan ja nihuan sacal sillai. Ti yalaa: —Maclayic porque ja yaani, ja Diosi oj jac culan juntiro soc ja yuntiquili. Spetzanile oj ajuque ja ba sparte ja yeni, jaxa Diosi ti oj ajuque tola vida ja ba stz'eelei. Mi ni nunca oj canuque stuch'il.



Ja ángel jahui ti sea qui jun nihuanja, ja' bi ja ja' jau huax yaa jsac'aniltiqui. Jel yaax juntiro, lajan soc ja cristali. Ti mero huax bojti ja ba lugar jau huas sc'ulan mandar ja Dios Tatali soc ja yen huax alji sbaj que ja xchej ja Diosi.




Jaxa luz ja ba chonab jahui, ja' ni ja yijlab ja Diosi soc ja yijlab ja xchej ja Diosi. Mi bi t'ilanuc ja yijlab ja c'ac'u ma ja yijlab ja luna, mi ni ja yijlab ja lámpara porque Ja yijlab ja Dios tey ba chonab jahui, jel huax lijpi juntiro.



Pero mi xa hualahuex que ay jas cux oj
ochuc ja ba chonab jahui. Mey licencia
oj och ja ma' piero ja smodo soc ja
ma' huas slea mentira.


Quechan bi ja ma'
tz'ijbanubal ja sbiil ja
ba libro jau ja bay ja
slista ja sbiile spetzanil
ja ma' stauneje ja
svidaei, stz'acatal ja yen
ja ma' huax alji sbaj que
yal xchej ja Diosi.




Mi xa ni oj to oc'uque otro vuelta. Mi xa oj to tristeaxuque. Mi xa ni oj couc mas ja xchamelei. Mi oj aiyuc ja syajal ja scuerpoei. Mi ni ma' oj chamuca porque ja svidae jastal aji, ec' ta ni juntiroa, stz'acatal ja Diosi.




Ja ba yoj chonab jahui, mi ni bi nunca oj ochuc
jun cosa ta mi c'a yioj ja sbendicion ja Diosi.
Ti ni bi mero oj sc'ul mandar ja Dios soc ja
xcheji. Ti ni mero oj yae yi stz'acatal tola
vida spetzanil ja ma'
huax yateltaye ja
Diosi. Oj ni yile ja
sat ja Diosi, jaxa ba
spatane ja yuntiquil
ja Diosi, ti bi oj
tz'ijbaxuc ja
sbiil ja jDioستيqui.




Huaj to cho quile, ti tec'an ec' ja ba sti sat ja Diosi spetzanil ja matic ch'ac chamuque ja ba luumi pero ja huego, ti xa aye ja ba sti sat ja Diosi, sea ch'in cristiano ma nihuac cristiano. Ti quila jamxi spetzanil ja libro jumasa, jaxa cristiano jumasa, chican jastal tz'ijbanubal ja jastal ecyei, jach ni c'ulajiye castigara.




Jaxa mas tzaani, ti cho jamxi ja libro jau ja ba
tz'ijbanubal ja sbiil ja cristiano jumasa jau ja
ma' staunej ja svidaei. Porque ta mi c'a
bix taaxi ja sbiile ja ba libro jau ja ba
tz'ijbanubal ja sbiile ja ma' staunej
xa svidaei, ti bi oj jipjuque ja
ba yoj c'aq'ui.



Jayuj huax yala ja Yespíritu ja Dios tac: —Laic, xchi.
Jach ni ja quentic ja janec' oj iijucotic yuj ja jtatamtic
Jesucristo, la xa jpaytic ja cristiano. Jaxa ma' jex oc'
sc'ujol ja cosa jumasa iti ja jacuc!



A cho yuu ja ja' jau huax yaa jsac'aniltiqui porque
q'uebubal juntiro. Jaxa janec' huane yabjel ja jas huan
alxel ja iti, jachuc ja huenlexi, paya jan ja hua mojexi.
¡Laic! utajic.



Como ja Diosi, jel yaj huax yab juntiro
spetzanil ja cristiano, jayuj seca con ja
único yunini. Jaxa spetzanil ja ma' huas
sc'uan ja yeni, mi ni oj ch'ayuquea. Oj
ni stae ja svida jau ba mi ni
nunca huax ch'aqui.



ROMANOS 3:23 Como huan nix ch'ac jlee ja jmultica.
¿Machunc'a oj slaj ja jastal jel toj ja Dios ba? ¡Mi ni june!

ROMANOS 6:23 Porque ja jmultic aji, ja' ni mero jtz'acoltic
oj ch'ay lom ja caltziltic aji. Pero stz'acatal lec ja Cajualtic
Cristo Jesusi, ja Diosi puro q'uebubal yaunej quitic ja
jvidatic ja ba jel tzamali.

HEBREOS 9:27 Jpetzaniltic t'ilan ni oj ch'ac chamcotica,
jaxa mas tzaani, t'ilan oj ch'ac caatic cuenta soc ja Diosi.

EFESIOS 2:8,9 Meran nia, cuando jc'uantic ja Diosi, libre
eltic soc ja jmultiqui pero quechan yuj ja syajal sc'ujol ja
Diosi, mi jauc yuj jel lec ja jas huax c'ulantic ja quentiqui.
Puro jmajtantic yuj ja Diosi, Mi jauc yuj jel tojotic. Miyuc. Ja
lec jachucuc to, ay modo jel oj toy jbajtic,



ROMANOS 10:9,10 Porque meran nia, ta huan c'ax el ati que yena ni ja Huajual ja Jesusi, yuj ni huan xa xa c'uan ja ba hua c'ujol que aaji sac-huuc yuj ja Dios ja yora chami.

Malan soc ja jahui, oj ni ataa ja hua coltajeli. Porque cuando huax c'uantic meran soc spetzanil ja jc'ujoltiqui, ja Diosi huas sc'ulanotic perdonar soc spetzanil ja jmultiqui.

Pero t'ilan oj caltic yab ja jmojtiqui. Jachuc, ti ni oj taatic ja jcoltajeltica

SAN JUAN 3:16,17 Como ja Diosi, jel yaj huax yab juntiro spetzanil ja cristiano, jayuj seca con ja único yunini. Jaxa spetzanil ja ma' huas sc'uan ja yeni, mi ni oj ch'ayuquea. Oj ni stae ja svida jau ba mi ni nunca huax ch'aqui. Porque ja

Diosi mi seca con ja ba mundo ja yunini ba oj xch'ay snaajel ja cristiano. Seca con ba oj huajuque libre soc ja smulei cuando huax c'uaji ja yeni.



1 JUAN 5:11-13 Ja Diosi yala que yaa ta quitic ja vida jau ba mi ni nunca oj ch'acuc. Ja vida jau quiojtiqui, ti huax jac ja ba yunin ja Diosi Porque ja ma' huas sc'uan meran ja yunin ja Diosi, yioj xa ni ja vida jahui. Jaxa ma' mi huas sc'uani, mi ni ay yioja. Ja carta iti huanon secjel ahuilex ja janec' huaxa c'uanex ja yunin ja Diosi. Huax c'ana que oja naex que ac'ubal xa huilex ja vida jau ba mi ni nunca huax ch'aqui.



SAN JUAN 14; 2 CORINTIOS 5; APOCALIPSIS 4,
21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tojolabal NT (toj) © 1972, Wycliffe Bible Translators, Inc. All
rights reserved.

<https://www.bible.com/bible/1381/MAT.1>

©2025 Bible for Children, Inc.

www.M1914.org

www.bibleforchildren.org

